


雲氣入紫微垣占



荆州占曰

有雲氣如鷄雛出此子孫之  
氣赤黃氣潤澤入天子有喜  
黃白氣如旗起人主壽如杯  
破碗入有璧玉喜白氣出有  
喪黑氣入有兵


雲氣入北極占



天文錄曰

北極北辰最尊者也其紐星  
天樞也黃白氣入兵起黑氣  
入大人憂黃白氣如禽獸類  
走如飛鳥入神氣有喜

雲氣鈞陳占



泉緯執圖微曰

鈞陳主后宮黃白氣出不戰  
兵在外者罷赤氣出將有功  
蒼白青黑氣入皆去大司馬  
憂


雲氣入天皇大帝占



天文錄曰

天皇大帝其神曰耀魄寶也  
主天文象黃白氣入有喜出  
則改立王者


雲氣入四輔占



天文錄曰

四輔星輔佐也黃白氣出將  
相有喜黑氣入有病

雲氣入五帝內座星占



天文錄曰

五帝內座在華蓋之下黃氣入君有喜當立宗廟氣入不出六十日太子即位


雲氣入天柱星占



天文錄曰

天柱主建政教赤黃氣入天子喜封廟陵事氣出天下受喜三公受爵黑氣入將相死


氣入六甲星占



天文錄曰

六甲主分陰陽化時節黃雲  
入術士與蒼白雲氣入太史  
官受賜


雲氣入御女星占



天文錄曰

御女主御妻之象也白黃氣  
入有子孫喜黃氣入后妃受  
賜蒼白氣入后宮多病

雲氣入女史星占



天文錄曰

女史主婦人之微者主傳漏  
黃白雲氣入女史有喜慶


雲氣入柱史星占



天文錄曰

柱史古者有左右史記事此  
之象也黃氣入君賜爵祿蒼  
白氣入左右史死黃白氣入  
柱史遷


雲氣入大理星占



天文錄曰

大理評刑斷獄黃白氣入有赦刑罰之官受遷黑氣入決獄不平刑罰官受黜

雲氣入陰德星占




天文錄曰

陰德主周給賑撫黃氣入天子有喜諸侯受賜黑青氣出太子憂之




雲氣入天牀星占



天文錄曰

天牀主寢舍無休赤黃氣入  
天子有喜黃氣出后宮有子  
孫之喜白氣入君不安青氣  
入君有憂


雲氣入華蓋占



天文錄曰

華蓋如蓋狀所以覆蔽帝座  
黃氣入天子喜赤氣出侯王  
受賜


雲氣入傳舍星占



天文錄曰

傳舍主賓客館舍黑雲氣入  
胡兵侵中國


雲氣入八穀星占



天文錄曰

八穀主歲豐儉黑氣入萬物  
不收大荒險


雲氣入文昌星占



天文錄曰

文昌天之六府也黃雲氣入三公受賜蒼白氣入將相憂赤黑氣入三公黜


雲氣入天牢星占



天文錄曰

天牢主貴人之牢也黑氣大圓長三四尺出貴人親屬有憂


雲氣入勢星占



天文錄曰

勢星主助宣王命內常侍官  
黃白氣入中官受賜赤氣入  
中官叛黑氣入中官憂


雲氣入北斗占



天文錄曰

北斗七政之樞機也有五綵  
雲氣入天子立太子赤氣覆  
之黃氣入君喜黑入民憂赤  
氣入宮廟火災黑氣如禽獸  
狀入虜入塞

雲氣入天理星占



天文錄曰

天理主執法之官赤氣入中  
兵起將相行兵


雲氣入相星占



天文錄曰

相星主總領百司而掌邦教  
黃氣入諸侯有喜


雲氣入太陽守星占



天文錄曰

太陽守主大將大臣之象黃  
氣入大臣受賜蒼白氣入將  
軍戰死赤氣入宰相憂


雲氣入天一星占



天文錄曰

天一主戰鬪知吉凶黃氣入  
君臣和萬物成朝多賢士天  
下太平黑氣入宰相黜

雲氣入太乙星占



天文錄曰

太一主風雨水旱兵飢黃白  
氣入百官受賜赤氣入兵革  
遍野蒼白氣入民多疾疫


雲氣入天棓星占



天文錄曰

天棓主分爭與刑罰蒼白氣  
入兵起將死黃白氣入臣有  
拜賜黑氣入大人憂


雲氣入玄戈星占



天文錄曰

玄戈主胡兵黑氣入胡兵進  
白氣入胡人疾疫

雲氣入太微垣占




天文錄曰

太微垣三光之庭黃白氣入  
有光人主益壽黃氣如帶入  
有婦人喜赤黃氣入天子有  
劔喜氣如獸入天子用獸賜  
諸侯白氣如杯椀入有璧玉  
喜若青黑赤氣入皆有憂



雲氣入東西掖門占



天文錄曰

左掖門在端門東右掖門在  
端門西若左右掖門有黃氣  
入天子喜蒼白氣出有喪事  
青氣入有兵起黑氣入有憂


雲氣入五帝座占



天文錄曰

五帝座在太微垣中黃氣入  
天子有子孫喜青赤氣入近  
臣有謀蒼白氣入有喪事


雲氣入幸臣星占



天文錄曰

幸臣者親愛之官常侍太子  
青赤氣出五常座入幸臣中  
不出六十日近臣謀君氣不  
明者不成氣明者成


雲氣入太子星占



天文錄曰

太子常帝之儲也黃氣入太  
子喜黑氣入太子憂


雲氣入從官星占



天文錄曰

從官主疾病巫人黑氣入巫人受戮黃氣入巫人受爵


雲氣入即位星占



天文錄曰

哀鳴即位也黃氣入潤澤中即受賜黑氣入中即雙死蒼白氣入中即為亂赤氣入中即兵起


雲氣入三台星占



天文錄曰

三台者在人曰三公黃氣入  
將相有喜黑氣入三公憂蒼  
白氣入三公黜


雲氣入五諸侯星占



天文錄曰

五諸侯主刺舉戒不虞蒼白  
氣入諸侯有喪

雲氣入天市星占



天文錄曰

天市垣天子之市天下之所會也黃白氣入繒帛常集天市中有神氣如奇物入天子喜黃白氣入萬物賤蒼黑氣入萬物貴赤氣入市中有火災

雲氣入貫索星占



天文錄曰

貫索主賤人之牢也蒼白氣入天子亡地赤氣入兵起黑氣入獄多枉死黃氣入天子喜

雲氣入女牀星占



天文錄曰

女牀主后宮御女也黃氣入  
後宮有福白氣入有喪黑氣  
入有死者青氣入宮女多疾  
疾

雲氣入角宿星占



晉書曰

角宿為天門左角為理主刑  
右角為將主兵有蒼白氣入  
左角星兵敗出右角星戰有  
憂


雲氣入庫樓星占



天文錄曰

庫樓兵車之府有赤氣千尋  
天子自將兵

雲氣入亢宿星占



晉書曰

亢宿為天子之內朝廷也  
有雲氣入民主疾疫


雲氣入折威星占



天文錄曰

折威主斷獄黃白氣入有和  
親天子喜蒼白氣入大臣為  
亂黑氣入天子惡之

雲氣入攝提星占



天文錄曰

攝提為楫擁夾帝座黃氣公  
卿受賜青氣入九卿憂赤氣  
入戈楫用黑氣入大臣死



雲氣入大角星占



天文錄曰

大角天王座也青氣入千尋  
如槍衝過者殿梁折青氣掩  
君憂白氣掩有喪黃氣出國  
有喜


雲氣入氐宿星占



晉書曰

氐宿為宮后妃之府也蒼白  
雲入疾疫流行黑氣大水


雲氣入招搖星占



天文錄曰

招搖為天庫蒼白氣入相死  
赤氣入兵亂黃氣入兵罷白  
氣入大人憂


雲氣入梗河星占



天文錄曰

梗河主予鋒備不虞赤氣入  
有大戰蒼白氣入將死


雲氣入騎官星占



天文錄曰

騎官天子宿衛之士也蒼白  
氣入騎官死

雲氣入房宿星占



晉書曰

房為明堂布政之宮黃雲如  
人入者后妃有娠赤氣入兵  
起

雲氣入心宿星占



晉書曰

心宿為天王之位也青氣入  
天子使諸侯赤氣入心宿太  
子受賜


雲氣入積卒星占



天文錄曰

積卒為五營軍士主掃除青  
赤氣入大臣持正欲論兵事


雲氣入尾宿星占



晉書曰

尾宿為后宮之場后妃之府  
蒼白氣入君有故臣來氣出  
臣有亂


雲氣入龜星占



天文錄曰

龜星主贊神明定吉凶赤氣  
入卜祝官憂


雲氣入天江星占



天文錄曰

天江主太陰青氣入車騎出  
黑氣入多雨水黃氣入兵罷  
黃氣出兵出


雲氣入傳說星占



天文錄曰

傳說主後宮女巫也主興長  
子孫視祠神靈赤氣入女巫  
憂


雲氣入魚星占



天文錄曰

魚星主理陰陽知雲雨之期  
赤氣入兵起將憂氣出兵罷  
黃氣入天子用事氣出兵起

雲氣入箕宿星占




晉書曰

箕宿亦后妃之府也蒼白氣  
入四夷內侵黃氣入蠻夷來  
賓

雲氣入斗霜一名南斗星占

晉書曰

南斗為天廟丞相大宰之位  
蒼白雲入多風赤雲入兵起



雲氣入牛宿星占

晉書曰

牛宿為閔梁主犧牲蒼白雲  
入多疾疫赤雲入有兵攻城






雲氣入九坎星占



天文錄曰

九坎主溝渠導引泉源青氣入天下旱黑氣入百川溢

雲氣入河鼓星占



天文錄曰

河鼓天鼓也主天子軍鼓黃白氣入天子喜赤氣入兵起黑氣入將死青氣入將憂


雲氣入織女星占



天文錄曰

織女星天女也主瓜果絲帛  
珍寶蒼白氣入女子有疾赤  
氣入女子多死于兵黑氣入  
女子憂黃氣入女子有喜

雲氣入女宿星占



晉書曰

女宿妻妾之稱婦職之卑也  
赤氣入婦女多以兵死白雲  
入女多疾疫

雲氣入瓠瓜星占



天文錄曰

瓠瓜主天子菓園也蒼白氣入菓多不實赤氣入天下菓多實黃氣入天子以菓賜諸侯黑氣入食菓多致疾疫

雲氣入天津星占



天文錄曰

天津主四瀆津梁黃白氣入天子有德令蒼黑氣入主大水

雲氣入虛宿星占



晉書曰

虛宿為廟堂主祭祀禱祝事  
黃氣入天子以喜起廟祠養  
白赤氣入有土工蓋屋之事

雲氣入天壘城星占



天文錄曰

天壘城主鬼方北夷之事黃  
氣掩之北夷滅有疾疫

雲氣入敗白星占



天文錄曰  
敗白主敗亡災害黑雲氣入  
人主憂

雲氣入危宿星占



晉書曰

危宿為天市主宗廟宮室天  
主營造受藏之事蒼白氣入  
風雨損屋


雲氣入室宿一名營室占



晉書曰

營室為宗廟又為軍糧之府也黃氣入光潤如日月天子有男子之祥白氣入有喪赤氣入兵起

雲氣入羽林軍星占



天文錄曰

羽林軍主天軍翊衛也蒼白氣入后憂黃氣入后喜或受太子所獻黑氣入諸侯惡之

雲氣入北落師門星占



天文錄曰

北落師門主北方藩落蒼白  
氣入憂疾病黑氣入主憂黃  
白氣入天子喜出中使出


雲氣入壁宿星占



晉書曰

東壁主文章天下圖書之祿  
府赤氣如日月潤澤入男子  
之祥白氣入大人憂

雲氣入奎宿星占



晉書曰

奎宿為天下武庫又主以兵  
禁暴橫黃雲氣入天子宮中  
有喜黑氣入有憂蒼赤氣入  
有受命來降者

雲氣入土司空星占



天文錄曰

土司空主掌水土事黃氣入  
土功興國移京邑



雲氣入閣道星占



天文錄曰

閣道主輦閣之道黃氣入天子喜白氣入有急事黑氣入主有疾

雲氣入附路星占



天文錄曰

附路主便閣道逕也蒼白氣入太僕死赤氣入太僕受誅

雲氣入王良星



天文錄曰

王良星主天子奉車御官也  
青氣入奉車御官憂墜車赤  
氣入奉車御官有斧鉞之憂  
黃氣入奉車御官受賜

雲氣入婁宿星占



晉書曰

婁宿主苑牧犧牲供給郊祀  
黃氣入貴人受賜白氣入人  
民受賞赤氣入主兵


雲氣入天倉星占



天文錄曰

天倉主五穀所藏待邦之用  
黃氣入歲大熟蒼白氣入歲  
不熟赤氣入兵起大旱倉庫  
有火災

雲氣入天大將軍星占



天文錄曰

天大將軍天之天將軍也蒼  
白氣入軍多疾赤氣入主兵  
出

雲氣入胃宿星占



晉書曰

胃宿為天子厨藏主倉庫廩  
蒼白氣入有糶粟事黑氣入  
倉困敗穀腐


雲氣入天廩星占



天文錄曰

天廩主積黍以享祀青氣入  
蝗蟲大旱黃氣入歲多粟麥  
黑氣入大水


雲氣入天囿星占



天文錄曰

天囿主給御廩米盛青白氣入歲飢民流亡

雲氣入大陵星占



天文錄曰

大陵一曰積京主兵陵墳墓死喪蒼白氣入有大兵喪赤氣入多戰死


雲氣入天舡星占



天文錄曰

天舡主道濟利涉青氣入天子不可乘御舡黃氣入天子乘舡有喜

雲氣入積尸星占



天文錄曰

積尸在大陵中墓也主死喪蒼白氣入人多死黑氣入民多疾疫


雲氣入積水星占



天文錄曰

積水主水官供給酒食蒼白  
氣入有水災


雲氣入昴宿星占



晉書曰

昴宿為旄頭胡星也有蒼赤  
氣入人民疾疫妖言起胡兵  
入


雲氣入芻藁星占



天文錄曰

芻藁主積藁之屬赤氣入有  
大憂天子因火散財黃氣入  
天子財寶出

雲氣入天苑星占




天文錄曰

天苑主天子養禽獸之苑蒼  
白氣入獸多病黃氣入牛馬  
蓄息黑氣入牛馬多死



雲氣入畢宿星占



晉書曰

畢為邊兵主戈獵白氣入畢  
口其歲大人必有生者赤氣  
入必有兵起旱火災蒼白氣  
入歲多收

雲氣入五車星占



天文錄曰

五車天子之五兵車舍也蒼  
白氣入民不安多流亡赤氣  
入兵起


雲氣入天潢星占



天文錄曰

天潢主河津渡涉事黃氣入  
天子喜安和兵罷蒼白氣入  
有喪赤氣入兵起庫有火


雲氣入天高星占



天文錄曰

天高主望八方雲氣今觀星  
臺之象白氣入早霜害禾稼


雲氣入咸池星占



天文錄曰

咸池主波澤魚鱉池沼黃氣  
入有喜事黑氣入大水蒼白  
氣入魚多死赤氣入主旱

雲氣入天閔星占



天文錄曰

天閔主邊防道路黃氣入四  
四方來貢玉帛


雲氣入參旗星占



天文錄曰

參旗為天子弓旗也主弓弩  
之候赤氣入西胡來侵

雲氣入天園星占



天文錄曰

天園主蔬菜之所也有白氣  
入兵起


雲氣入觜宿占



晉書曰

觜觴為三軍之候有黃雲入  
兵出黑氣入大人憂

雲氣入參宿占



晉書曰

參為大臣主鉞鉄斬刈有蒼  
白雲入憂灾赤氣入内兵起

雲氣入玉井星占



天文錄曰

玉井主水泉以給庖厨青氣入井水不可食

雲氣入天厨星占



天文錄曰

天厨為潤隱主腰下疾赤氣入兵起黑氣入大人憂黃氣入天子喜


雲氣入井宿占



晉書曰

東井為水衡主法令黃白氣入有水澤事興赤雲入有大水成疾病

雲氣入積水星占



天文錄曰

積水主水官供給酒食蒼白氣入夏水


雲氣入積薪星占



天文錄曰

積薪主外厨以給烹飪之事  
赤氣入夏火

雲氣入北河星占



天文錄曰

北河主胡門白氣入邊境有  
兵又主胡王死




雲氣入南河星占



天文錄曰

河南主越門青氣入河道不通赤氣入天子用兵黃氣入有德令青氣入水傷人


雲氣入水位星占



天文錄曰

水位主水衡鴻溢赤氣入大旱歲飢荒


雲氣入狼星占



天文錄曰

狼星主野將侵掠赤氣入有  
兵革胡人侵掠民驚

雲氣入弧天星占



天文錄曰

弧天弓天也主行陰謀以備  
盜赤氣入民驚一曰胡人入  
中國黑氣入胡人多病死


雲氣入老人星占



天文錄曰

老人星主壽攷白氣掩老人  
憂

雲氣入鬼宿占



晉書曰

輿鬼主視明察奸謀白雲入  
有疾病黑氣入大人憂


雲氣入燿星占



天文錄曰

燿星主烽火備驚急赤氣入  
天下烽火動

雲氣入柳宿占



晉書曰

柳為厨宰主尚食和滋味赤  
雲入有火火之憂黃雲入有  
赦

雲氣入酒旗星占



天文錄曰

酒旗主宴會觴酌赤氣入君  
以酒食

雲氣入星宿占




晉書曰

七星主衣文繡蒼白雲入大  
人憂赤雲入四曲五曲不止  
者臣亡

天文錄曰


雲氣入天相星占



天文錄曰

天相大臣之象若黃氣入大臣喜黑氣入將相憂

雲氣入張宿占



晉書曰

張主珍寶宗廟黃白氣入潤澤天子因喜賜客氣出天子使諸侯赤氣入用兵賜物

雲氣入翌宿占



晉書曰

翼為天樂府主徘徊赤氣入  
有暴兵黑氣三夜不出大人  
憂兵起

雲氣入軫宿占



晉書曰

軫主冢宰輔臣之職黃白氣  
入天子用車馬賜諸侯黑氣  
如杵入大人墮車

雲氣入器府星占

第六冊終記六十二葉



天文錄曰

器府樂器之府也亦氣掩之音樂廢



